

Na osnovu Statuta JP Pannonica d.o.o. Tuzla i Odluke o raspisivanju Javnog poziva broj: 376-1/25 od 13.06.2025. godine, JP Pannonica d.o.o. Tuzla, dana 16.06. 2025. godine, objavljuje:

JAVNI POZIV

za dodjelu na korištenje kućica u kompleksu Panonskih jezera u periodu od 01.07.2025. godine do 31.08.2025. godine

I Predmet Javnog poziva

1. LOT 1: Prodaja suvenira isključivo sa motivima Tuzle i Panonskih jezera:

- Magneti (metalni, plastični, keramički)
- Razglednice
- Fotografija na kamenu
- Majice
- Kačketi
- Šolje manje i veće (keramičke)
- Ukrasne boce
- Podmetači za čaše
- Privjesci (metalni i drveni)
- Bedževi
- Tacne
- Džepni kalendari
- Ručno rađeni nakit (narukvica, lančić, naušnice)
- Kutije ukrasne za nakit
- Torbe
- Cekeri
- Šeširi
- Zdjelice
- Peškiri (veći i manji)
- Olovke i upaljači
- Kišobrani
- Boce za vodu
- Slike
- Minijature

2. LOT 2: Umjetničke djelatnosti :

- Izrada portreta u realnom vremenu na pastel papiru
- Izrada portreta na majici
- Slikanje na majici
- Slikanje sprejevima
- Oslikavanje tetovažom tijela kupača (privremene henna tetovaže)

II Subjekti koji se mogu prijaviti na Javni poziv

Pravo podnošenja prijave za korištenje kućica u periodu od 01.07.2025. do 31.08.2025. godine imaju

- a) fizička lica koja obavljaju samostalnu djelatnost u osnovnom zanimanju iz oblasti „tradicionalni i stari obrt“ - izrada i prorodaja suvenira registrirana na području grada Tuzle;
- b) udruženja građana sa osnovnom djelatnošću „podsticanje razvoja i unaprijeđenja likovne umjetnosti i umjetnosti uopšte“, registrirana na području grada Tuzle;

III Lokacija i radno vrijeme kućica

Lokacija na kojoj će biti organizovana prodaja suvenira (kućica) i prostor za umjetničku djelatnost je prostor na zapadnoj strani prvog velikog jezera pored glavne ceste kroz kompleks Panonskih jezera.

Obavezno radno vrijeme kućica je od 10.00 do 18.00 sati , uz mogućnost i dužeg radnog vremena shodno radnom vremenu Panonskih jezera i mogućnosti da korisnici organizuju nesmetan rad istih. Obavezno radno vrijeme se odnosi na sunčane i tople dane sa temperaturama iznad 25 stepeni celzijusa kada se očekuju veće posjete Panonskim jezerima.

JP Pannonica d.o.o. Tuzla će izvršiti napajanje kućica električnom energijom.

IV Naknada za korištenje mobilnih kućica

Naknada za korištenje kućica u periodu navedenom u članu II Javnog poziva iznosi 800 KM + PDV sa rokom plaćanja od 15 dana od dana ispostavljanja fakture.

JP Pannonica d.o.o. Tuzla snosi troškove električne energije.

V Kriteriji za odabir korisnika mobilnih kućica

Sve kvalifikovane prijave će biti bodovane u skladu sa Odlukom o raspisivanju Javnog poziva i kriterija za odabir korisnika korištenja kućica i prostora za umjetničku djelatnost. Komisija iz člana VII ovog Javnog poziva će na osnovu osvojenih bodova sačiniti Listu krajnjih korisnika.

VI Način prijavljivanja

Prijave na ovaj Javni poziv podnose se na prijavnom obrascu (*Obrazac I*) koji se može preuzeti na internet stranici <https://panonika.ba/>

Prijavni obrazac se popunjava elektronski (na računaru) i ne može se popunjavati ručno!

Uz elektronski popunjen prijavni obrazac (*Obrazac I*), prijavitelj je dužan dostaviti sljedeću dokumentaciju:

1. Uvjerenje o registraciji poreznog obveznika (fotokopija)
2. Uvjerenje o izmirenim obavezama prema javnim prihodima, ne starije od 30 dana od dana objavljivanja Javnog poziva (original ili ovjerena fotokopija nadležne Porezne uprave);
3. Ovjerena izjava kojom se dokazuje godina osnivanja;
4. Listu i fotografije artikala koje ponuđač namjerava prodavati

Prijavitelji na Javni poziv **mogü podnijeti samo jednu prijavu (koja može odnositi na jedan ili više lotova)**. Mogüće je ostvariti pravo na dodjelu samo jedne kućice ili prostora za umjetničku djelatnost.



VII Provođenje Javnog poziva

Postupak po Javnom pozivu provodi Komisija koju imenuje JP Pannonica d.o.o. Tuzla, a koja ima predsjednika i 2 člana.

Za svaki od kriterija, Komisija pojedinačno dodjeljuje broj bodova, a ukupan broj po Prijavnom obrascu predstavlja zbir svih dodijeljenih bodova u Obrascu za ocjenjivanje (*Obrazac 2*).

Po okončanju postupka ocjenjivanja, Komisija je dužna na osnovu obrasca za ocjenjivanje sačiniti Zapisnik i predložiti Listu krajnjih korisnika po broju osvojenih bodova, najkasnije 5 (pet) radnih dana nakon zatvaranja Javnog poziva.

Po donošenju Odluke iz prethodnog stava ovog člana Javnog poziva, JP Pannonica d.o.o. Tuzla će sa krajnjim korisnicima zaključiti ugovore o korištenju kućica u kojima će biti utvrđena međusobna prava i obaveze između korisnika kućica i JP Pannonica d.o.o. Tuzla

Uplate se vrše isključivo putem transakcijskih računa odabranog fizičkog/pravnog lica a iste se vrše na transakcijski račun JP Pannonica d.o.o. Tuzla, broj: 1321000311574872, otvoren kod NLB banke u Tuzli, na osnovu izdate fakture.

IX Trajanje Javnog poziva i rok za podnošenje prijava

Javni poziv ostaje **otvoren 8 radnih dana** od dana objavljivanja Javnog poziva, odnosno **do 24. juna 2025. do 16:00 sati.**

Prijave na Javni poziv sa pratećom dokumentacijom dostavljaju se u zatvorenim kovertama lično ili putem preporučene pošte¹ na adresu:

JP Pannonica d.o.o. Tuzla

Ul. Šetalište Slana banja bb, 75000 Tuzla, Bosna i Hercegovina

sa naznakom:

„Prijava na Javni poziv za korištenje kućice u kompleksu Panonskih jezera - Ljetna sezona 2025

/NE OTVARATI/

Nepotpune i neblagovremene prijave neće se uzeti u razmatranje.

Sve dodatne informacije o načinu i postupku učešća u ovom Javnom pozivu, mogu se dobiti u JP Pannonica d.o.o. Tuzla na broj telefona: 035 246 712 ili slanjem upita na e-mail: kontakt@panonika.ba .

¹ Prijave koje se dostavljaju putem preporučene pošte moraju na koverti nositi pečat sa danom predaje pošiljke, zaključno sa 24.06.2025. godine.



JAVNO PREDUZEĆE PANNONICA d.o.o. TUZLA
Šetališta Slana banja bb, 75000 Tuzla
NLB Banka - Žiro rač.1321000311574872
SPARKASSE Bank - Žiro rač.1995060054151184

ID broj: 4209598600008
PDV broj: 209598600008